



t 082

簡寄 山居 食物
 酬答 紀步 茶湯
 懷友 道具 燈燭
 招友 法器 沐浴
 尋訪 衣服 離別
 留人 器用
 住菴 文用
 來九

谷村文
 4-08
 シ・ノ

金

觀音五法
寺什物

| | | | |
|----|----|----|----|
| 簡寄 | 留人 | 法墨 | 茶湯 |
| 酬答 | 住菴 | 衣服 | 燈燭 |
| 懷友 | 山居 | 需用 | 沐浴 |
| 招友 | 紀事 | 文用 | 離別 |
| 尋訪 | 送具 | 食物 | |

重刊貞和類聚祖苑聯芳集卷第七

公簡寄

絕頂雲居北斗齊雲門知見便高提莫將透脫常情解須是

當機離水泥

寄雲居長老五頌

真淨

絕頂雲居北斗齊藏身北斗最難提叢林總作平常解無限

高僧沒在泥

絕頂雲居北斗齊出群消息要人提其中未善宗乘者奇特

商量滿眼泥

絕頂雲居北斗齊參差光裏閑中提擎頭戴角誇能解一一

重教上細泥

絕頂雲居北斗齊橫三豎四目前提空中鵲眼殊無礙還笑

獐蛇不離泥

數筆湘山衰眼力一犁春雨隔清談遙知穩靠蒲團處碧篆香消柏子菴

寄岳麓禪師二

覺範

飽參衲子一千指古格叢林二十年想見升堂提祖令道容冰雪照入天

鷲峰雲散霜天冷南北東西片月孤喜得江湖好消息點胸尊者存雲居

雲居開掩室二

無準

幾回夢到白雲巔欲往難禁懶病牽何日相依傾倒夜月寒千嶂一聲猿

倒剝枯藤立晚風山光不與水俱東蘋花落盡苔花老地闊天高一個鴻

寄礼天目寂翁

洪平齋

詩卷隨身四十年忙中參得竹篋禪而今投老湘西寺卧看湘西水拍天

贈信無疑二

張居士

句中有眼悟方知悟處還應痛著雖一个身心無兩用鳥窠拈起布毛吹

竹篋子話選當年直下無私不是禪既遇狀元真眼目敢拈沈水向人天

和

無疑

葉舟三過理鷗盟彷彿湘西見素兄蜜漬荔枝嘗未徹且圖末後句分明

嘉禾本覺雲谷二

希叟四

病肩秋瘦不勝禁時有綈袍恋心聞道驅魔藕絲孔策勲高卧谷雲深

力疾橫眠小朵雲夢魂無日不思君先師未了些公案莫倦針錐與策勲

嘉禾天寧石坡二

濃家難弟與難兄翹楚襟懷有傑英一度通波亭上見心容俱肅眼增明

舌本瀾翻千丈雪，眼青錦鏡一壺冰。瞎驢種草有如此，滅却凌霄正續燈。

雪豆希叟

環溪二

一本凌霄秋後瓜，遲九月裏開花霜前結。子須彌大壓倒東西浙五家。

天寧雪庭

萬文神光滌世昏，莫知誰信有乾坤。三山眼底多尊宿，那個來敲老觀門。

神光末宗

絕岸

妙用縱橫不可量，閑中寂定中忙。那伽八萬四千劫，不及天寧五日長。

天寧雪岩師

覺菴

佛法當今誰是主，長廊繫馬北風吹。近來買得砂鍋了，只欠鉏雲鉋鍊錐。

石林

橫川三

大法興衰關繫重，出頭不得縮頭難。春來殘雪銷鎔盡，四面開窓看遠山。

逆風把柂世間有，順水流舟今古無。騎馬胡僧不上載，月明夜照西湖。

以越賜吳，天不管以吳賜越。復誰令興亡，往事千帆去白髮。僧修構李亭。

靈石

晦機

莫：堂前閑坐時，毒心毒行等慈悲。可憐喫棒不知痛，却看平湖白浪飛。

東湖無文和尚

南洲二

湖山雪後見精神，低首無言毒行深。十里波翻門外水，痛拳重打要人禁。

淨慈介石和尚

兩寺排頭岸柳邊，一湖春水照門前。有書懶喚雲中雁，越月吳星本共天。

保壽觀音二老

直翁

每見僧來說有由，岩前夜月如秋知。心獨有寒山子時聽，談玄笑點頭。

寒岩東嶼

虛谷

雲海茫、水接空重、華藏護蓮宮八千里路歸來日安息

香飄上國風

華藏帟岩和尚

時朝京面

止泓

掩息蘿窓獨打眠金烏幾度下遙天師翁住到天童寺曾在

西丘二十年

無相菴東岩和尚

了堂

靈源大士居昭默橫川老師在山賓高風相去三百載人世

南朝自北朝

三十餘年無故人只留雲外伴閑身夜來夢入宸奎閣戶牖

重開見日輪

育王東生和尚

雲外

瑞雲山裏善知識道在東南海上行播鼓轉舩容易事秋風

八月大潮生

象山延壽無象和尚

遙想鳳凰山裏人夢時相見亦如真老來未盡世間事三十

九年猶有身

報國斷岸和尚

我栽苦瓠連根苦君種甜瓜苦更多自是海邊風土別不因

種子得來訛

智門石心和尚

徹骨貧來只一身不禁秋暑尚如焚坐看玉立窓前竹時有

清風來故人

竹窓

雖同雲月各溪山兩字寒暄欲寫難無向中間成有句天邊

切、雁聲寒

古智

莫厭荒涼古道場吾宗只貴話頭行趙州曾住觀音院夢醋

沙盪土塌林

紫岩絕學

瀑布岩前立小亭四山寒翠冷於冰人間六月三年別幾欲

移單避鬱蒸

懷寄灌頂月潮和尚

滄海無風浪拍天幾回眼見變桑田修羅採花釀為酒醉倒

文殊與普賢

日本清拙

月江三

阿耨達池請佛齋長眉老僧預其數貪看龍女手中珠失却
隨身主文子

蠱家滴水投東海蝦蟇魚龍盡縮頭黑漆渾崙開口笑六鰲
吞餌不吞鉤

問訊建長千衆師門且喜大興時路遙不預聽徒列莫惜
嘉音慰所思

顛

一轂鐘動過湖船七十臨頭雪滿顛爭似庠峰下寺竹居

茗椀自深禪

龍岩

竺田

憶得相從古澗傍更深夜靜與商量熏天炙地者些子花藹
重城帶雪香

香城昇長老

樵隱

途路三千到澹津故交情重別無人快須張起漫天細著意

羅籠白鳳麟

頂山闌靜長老

古林

一夜思量到頂山便尋杯渡去何難不如且用玄沙底白帟
封來也一般

步行騎了一頭牛又道橋流水不流說與扶來人不信風前

幾度憶双橋

明極和尚

東明

見說大龍行雨罷更無心去作雲雷暫將橫海身千尺來卧

坳堂水一杯

大龍雪村

竺仙

半簷曦色杏花風世外高人睡正濃少室單傳今欲斷莫嫌

破夢五更鐘

徑山鑑西堂

靈山

拜了山中小釋迦相看無語摘楊花旧房雲占三分一何不

重乘八月槎

仰山大拙能首座

覺庵

蓬萊山上蓬萊寺住久人間萬念空三月落花啼杜宇扁舟

過海到雲中

蓬萊先首座

栢堂

夜：爐燃栢子烟，楞伽室裏自安禪。閑將心漏揩磨盡，不下
峯頭十二年。

徑山元叟首座

虛谷

睡州遷化五百歲，覓个高人繼踵無。大徹堂中第一座，心枯
眼活道相如。

金山首座

靈山

語帶汾州古，更奇曾無一句落。今時七年只住湖頭寺，道韻
如山一衲衣。

羅源首座

清拙二

門扇抄人不動手，劒輪揮空常掛眉。孤山吞却西湖水，月照
珊瑚一兩枝。

一溪首座

古寺厖眉老睡州，此生拚得此生休。夜涼待月開門坐，一片
秋聲在樹頭。

無言首座

竺源

別久重逢夢一場，江湖往事莫思量。松風欲買應無價，留得
賣

炎天自取涼

自隱首座

伽牛

衲被騰：粥飯師無人曾見下，山時相逢只道無能解。肯作

紅樓應制詩

贈宣首座

王洋

九鎖山前葉半凋，柴扉慵掩夜蕭蕭。誦君詩句空惆悵，別後
何人慰寂寥。

病中寄修書記

瞎堂

八十餘篇大脫空，分明一筆為流通。直饒矮子有長處，度量
由來也不中。

疎山無聞書記

靈叟二

十年處輟草窠中，惡業雖同却不同。一句只因輕漏泄，駢蹄
馬脚各西東。

頽極藏主

草衣童子汲寒水，隣壁老僧分午炊。萬本蒼松千丈雪，洗開
碧落看真碑。

雪豆樞藏主

栢堂

我拋一語墮龍湫，逗石穿雲幾度秋。白髮詎羅看不破，月寒
高桂公猿愁。

雁山靖侍者

滅翁

湖海飄零二十十年夜來歸夢遶雲烟遙知昔日經行處依旧
峨嵋翠挿天

侗師兄

瞻堂二

姑蘇臺畔惡相從海涌峯前事亦同故國夢回春已老水雲
相望一飄風

驥禪人

白頭老僧唐朝寺自說無心住世間七十五年安樂法倚松
持咒對南山

普寧老僧

栢堂

馬師圓相寄欽師暗寫愁腸起外疑白帝一張今日事聽教
峯頂大家知

徑山友人

指堂

鰲山一則旧因緣三載商量舉不全肝膽如今成楚越夜深
各自聽啼猿

靈隱友人

月庭

尺書懶作寄平安點墨繞形早自瞞曾記夜窓兩無語黃金
難鑄此心肝

友人

伽牛二

名字親書寄故人開緘應是兩眉顰自非古鏡新磨瑩千里
飛來一點塵

無證兄

洞然 鑑

相思日看湖水又上山頭望海波記得同遊伏龍寺猛風
飄下鬱鬱多羅

暢道元

浙江

勢占江南三百里烟霏相映出層樓芒屨竹杖山兼水坐看
行吟春復秋浮世萬途成底事吾生一飽更何求故人京洛

庐山寄都下故人

覺範四

風埃地能信山中此樂不

龍蛇頭角混埃塵臨死方知老淨因三度傲辭天子勅一生
甘作淨名身虎皮羊質成何事牛馬襟裾亦謾陳須信屈原

千載後空門猶有獨醒人

寄楷禪師

問訊黃龍來道者住山况味定何如齒牢未怯和沙飯眼倦
應嫌亦注書但見衣勝寒薜荔不妨心賽白芙蓉都疑生近

植田市時覺淮南語未除

寄黃龍來道者

隨分叢林古格存龍安真是泐潭孫獨持一節無求世勘破
諸方不出門石虎已忘蹲草見木蛇久滅住山痕遙知百事
俱衰落尚有工夫強自捫

寄龍安照禪師

廣文三絕世無雙蘭玉遺芳有此即曾把清詩敵鳴籟肯紉
幽佩學沉湘鏡中夜月方干嶋洛下風光郭伍莊何似逍遙
所南叟乾坤無處覓行藏

寄三山鄭所南

浙江二

看了楞伽慧敏碑白雲泉上坐題詩當日兒童齊指笑而今
老大欲追思王室金堂隣禹窆范江蘭浦夢湘纍何緣消得
仰山飯不用去尋商嶺芝

酬佛智老師

聲僧傳來足數車餅盂深寄法王家飲乾西子湖邊水渴殺
南山鼈鼻蛇非鎮海珠終有類是連城璧定無瑕笑它屑吻

爭鋒者腐熟機閑儘自誇

寄南屏友人

古林五

洞下宗師數莫多獨遺梅嶺老禪和拈來便用竿頭線落處
不停機下按嫌佛不為應在我借功明位合還佗當頭一諱
誰能觸自向西風唱哩囉

寄大梅東秋和尚

衲子爭趨道德香不辭途路不覓天長只求一語離窠臼免得
多生落斷常氷片滿街當酷熱鐵牛出嶺待新涼相逢一笑
千峯上藥嶠門風久益昌

寄天長立雪岑

事到關心易得愁曉星殘月見交遊論情且作投籠鳥做夢
甘同在檻猴百丈再曾參焉祖雙峰何意接牛頭大家催起
三臺舞只要教人笑便休

寄友

何時獨上千峰閣幾日重游十里湖南宕近來知識好西丘
終見話行無乾坤老我三間屋朋旧踈它半幅書昨夜北風

連地起一堆黃葉擁寒爐

寄斷江和尚

二月臨平別時慈航東去我西馳山川借重三閑語爐韞
難忘百鍊錘有得有求元有礙無傳無受自無私龍淵洗眼
知何日夜坐不眠還晝思

寄徑山虛谷和尚 清拙二

青龍第一閑中主妙喜親傳五葉孫百億須彌纖芥隱三千
刹海一毛吞機前杖拂敲空震喝下蛟龍應手奔迢遞江山
思無限斷雲孤雁幾朝昏

寄興化無覺和尚

荏苒年華七十翁與誰握手話先宗平生朋友二三輩動隔
雲山千萬重安樂自從搥退鼓睡來多是不聞鐘歲寒只有
長松在不為冰霜改旧容

寄報國無住慧雲 木岩萬壽大明 了菴五

攜李亭東落魄翁口同心語亦弘宗金針雙鎖天機密宝印
微開錦縫重慧照深思三頓棒羅云再擊一声鐘爭如普化

風顛子傳得盤山老漢容 寄景宗二侍者

桂子堂前侍乃翁笑看江漢自朝宗萎華掃盡風千片香水
飄來雨一重堯率夢中椎鍊鼓乾城影裏擲金鐘籌盈石室
渾閑事戶外其如屢叵容

寄旻春谷

南天竺國絳衣翁語默双忘顯正宗提起天台中道義化行
華藏十三重香雲縹緲縈珠網花雨繽紛撲講鐘見說年來
頭也白可如雪後看山容

寄演福大用

凜凜高風似睦翁起吾宗也滅吾宗發揮濟北龍瞳正籠絡
韶陽鍊網重雪頂自擎弥勒像霜空誰扣約齋鐘城市山林
兩奇絕一湖秋水浸天容

寄覺宗聖敏 仲唐起滅宗

寄西菴法眼安師

真淨二

不聞菴外事此意有誰知林壑路窮处世途心盡時鐘聲來

舊寺月色下新池却笑承風者區、老若爲

寄香城順禪師

靈觀拋頭後名山護有神道場千古舊法席幾番新廢去何由物興來故在人況師先達者不與衆同塵

贈皓律師

北磬

皓也毘尼學精於玉帳嚴蟻酣停掃砌燕乳記勾簾茶鼎敲冰煮花壺瀝水添夢回池草綠忍踐綠纖、

寄呈瑞岩雪磯

斷江三

大坐觀峯裏青天空四隣主人翁不喚門弟子皆喚一對獼猴月千山躑躅春有懷終獨往淹泊轉愁辛

寄戴師初架閣

咸淳折桂手歲莫抱琴歸海內無玉局鄉中只布衣一千尋

瀑近四十九年非幾擬携手去折鐺同煮薇

寄吳松存

亂後無宗武悲來爲阿咸澗聲知寂寞松影見枯嵌已舊題詩硯唯留種藥鉢雲門若耶路穉子識儒衫

酬答

明月洲頭一笛風暮雲滅盡水吞空倚筇笑語無人問疑是

西湖落夢中

初到善溪寄張無盡

五
覺範

山勒回流作屈盤翠蘿綰帶結鴛鴦故應此境幽難盡乞與菴僧自在看

形勝迥分千里遠地靈還受衆峰朝從來慶澤流無盡異事先看繼八蕭

世辯不妨無骨舌好山難絆自由身從教折脚鐺兒笑且欲

南來識鳳麟

公有自然台輔望與民同樂亦同憂我慙雅思非支遁亦伴
東山爛熳遊

謾說毗耶問疾風主賓信手盡虛空爭如快活月洲老萬事
收藏一笑中

無盡見和復次其韻

窓外雲閑如去鶴門前山好似翔鸞此時更有疑情在試借
疑情面目看

一丘一壑思迢迢莫把山林較市朝江上相逢兩無語夕陽
衰草暮蕭蕭

公是睡龍今縮首我如江月且分身人間一戲成何事塚外
君看半卧麟

雖然無證亦無修撲破虛空亦可憂欲識老龐端的處飯餘

摩腹且閑游

金龜扶膜去重露出當時晦昧空撥轉上頭關楔子莫教
更墮有無中

又次韻荅之

晚來妙語逼人寒逸氣翻接鳳鸞珍重平生造物手十分
拈出與人看

擁衾睡美無人喚閑憶當年趁早朝今伴赤松聊卒歲後來
功業付曹蕭

衆生煩惱亂如塵共現如來智身自笑露腮狂寶誌識公
天上石麒麟

樓閣不勞彈指入衆魔相顧忽驚憂面光却復思初友從此
南詢可罷游

此法從來妙莫窮何須癡坐學觀空劈開結角羅紋處攝入

圓伊三點中

法本無差須揀擇楚雞元不是青鸞當機一鏃三關破覲體分明箭後看

雲林一塢正寥、不把清閑負聖朝歲晚追隨真可盡行人明日馬蕭蕭

我亦從來徹骨貧誰知遍界不藏身住山鉏斧勞收取不是青原眾獸麟

一笑相看萬事休公無榮辱我無憂挂名入社非難事圓寂光中不厭游

仙郎齒頰嚼松風吟處晴巒翠倚空佳句興來渾不惜一時傾出錦囊中

孫侯見和復次韵

我亦聞絃知雅曲松風聲不類鳴鸞相逢意氣須傾寫一任

声

旁人冷眼看

歷世興亡皆可數升平不復似今朝野居興味應無限小字明窓校二蕭

未展事功扶聖世幅巾林下且收身善谿廣坐着談笑駿氣駸：地上麟

我自浮雲輕俗眼君真萱草可忘憂婦翁一室藏沙界興發時來把臂游

愛君道骨有仙風人品渾如月在空清論不窮霏鋸屑故應雲夢吐胸中

再和荅師復

牛渚笑中曾捉月道山歸去亦乘鸞人間尚有餘緣在又把塵編倒摺看

吾道如山欲撼搖群兒毀譽漫前朝冷看狂罵黃冠奕却笑

辛酸合爪蕭

有味新詩名不得正如仙爪為爬身此時風味無人會想見
麻姑擗脯麟

八瓊洞口桃花笑失却塵寰半世憂聞道客亭炊未熟坐看
凍蟻夢中游

風前袖却推車手平地條溝人說多秋冷閉門江上寺終須
無奈月明何

次江心雪屋見寄韻

愚極

滿幅殷勤見此心到無言處意尤深自慚駢性生來僻水上
胡芦捺要沈

荅虛堂

古田

古錐久矣鍊花浮一卓荒田分外幽利似秦時鑊鑠鑠夜深
祇恐賊來偷

次古田韻

德岩

主人翁喚得惺耳倍聰兮目倍明白笑阿儂空老大鼻頭

無竅眼無睛

次韻方外未上

東岩

寂歷梁峰歲月深春風浩蕩入枯林要開萬世無窮業只在
堅持一寸心

謝梁山東長老

月礪三

一幅無文信息全無端流落水雲邊秋空雁字重書出頓首
分明到不宣

謝無文

肝膽重楚越分別來不願見諸君那知熱血重相噴澆却
三千里水雲

浙中象外諸友寄新作

干戈倒用識安危方便垂慈接个誰每見僧陪面笑祖師
門戶放教低

荅東州未上

雲外二

萬籟無声月滿山看時容易入時難昔年閑有洪唐寨爭似
雲中者一閑

次韻栢堂未上

優鉢羅花不妄開老夫於此豈無懷南禪欲借維摩手斷取

橫洲入座來

答橫洲別傳

竺仙二

惠來佳句驚人眼捧出仙人玉露盤五色雲霞同燦爛不知身在寂寥間

答明首座

言無展事老無堪雨雪風晴一草菴有口只消閑掛壁聽渠松竹自交參

答循藏主

止泓

寄我新詩富且優松濤二十里颶老來自覺舌頭短每見長篇不敢酬

答太白藏主

雲外二

缺舩未肯下滄海消息無端忽寄來六載雪山明底事不知已眼為誰開

答源侍者

多年黑豆被塵埋今日分明盡打開換得驪珠千百顆紫羅帳裏撒將來

答天童兄弟賀頌

靈叟

具字單提顯此宗石崖面盡通紅挑源洞口人來往只見

秘

晴霞起半空

謝赤城講主二

古田

破衣慵補涕慵收何暇經營擁荻裘知己忽來霜月白劫空話到劫空頭

大教汚隆不易評偶因池畔得懽迎重看一幅伽陀上盡是塵沙舌佛情

次陸教授韻二

古林四

遠公結社逢脩靜道在何妨送又迎千古席溪流不盡累人特地欠忘情

東嶼師兄格調深灼然超出世間音直教落盡天魔膽不獨能傾學者心執个平常休卜度擬它機用莫擔任七穿八穴

縱橫處鵲眼銅睛未易尋

次韻答東嶼

祖道傳來古至今炎六月散清陰少林獨坐乾坤闊濟北三玄語路深不圖黃蘗甜如蜜自愛梅檀種作林高歌一曲

來何處聲落千江沒處尋

次天寧芳草堂韻

推枕軒中聽雨翁何暇折簡問長松子規夜半似裂竹長松
老來如卧龍冰雪湯師無住著風流賀監有遺踪向來天鏡
八百里截斷若耶千萬峰

酬晦機禪師

浙江三

金地無塵空白雲寶華徧界自繽紛譚經對石底須數尚友
弥天也不群萬頃芙蓉孤艇出一堂蒼苔五天闢諸君未解
虛空講好與焚香讀祖文

酬珪大章二

釣竿擬拂珊瑚樹如意罷揮龍象筵華髮忽生明鏡裏葛花
宜上青松巔新詩洒落千餘首旧社荒涼四十年菰菜莼羹
秋正美不妨招我月中船

白髮蒼顏委羽翁稽留峰頂闡玄宗棒頭日月吞千界喝下
風雷撼九重燭火且須閑白晝寸筵何必撞洪鐘故交總是

劉文叔足壓龍腰自不容

謝中書海見招

了菴六

死猫頭話久無傳千里緘題慰老年句盡同師子吼聲
裂破野狐禪華開鐵樹春無跡發發冰河雪滿川別有一機
恢祖業不愁無路可通玄

次韻答圓通約之時留天章

名實相應豈浪傳風流堪繼永和年不離一念觀塵劫盡脫
三災到四禪曲水流觴新主客茂林脩竹舊雲川填篋迭奏
瘖群響調轉胡笳拍玄

次韻答天章用貞文明天民
時約之天民皆避難於此

金襴之外復何傳末法迢迢一萬年爛嚼東山鍊酸飴生吞
會祖栗蓬禪群星拱北天垂象萬派朝宗海內川倒却門前
刹竿著從它鵲白與烏玄

住山鉏斧得真傳東渡錢塘又一年插草等閑成梵刹隨機
逆順入諸禪斬新日月開天鏡依旧風霆似雪川老我不吹

無孔笛還伊一語具三玄

次韻寄能仁用
章室林別峯

賢首宗中擅正傳雪腰還憶普通年盡知潛子能弘教誰識
三峰早悟禪電掣一機過劈箭瀾翻千偈瀉長川灼然踏著
通天竅法、何曾落妙玄

憶著當年旧話頭天邊日月去如流寸絲不掛機猶密三觀
潛通理最優卧听松濤翻石室講殘花雨滿林丘何時為著
登山屐細酌清泉汗漫游

答演福繼首座 古林

尺一何時下紫宸由來吾道託王臣有生可度休吞佛無法
堪傳痛拶人犀月透紋光入暈蠅泥斲鼻妙通神殷勤千里
同風意雪谷潛田一髮春

和圓通源
靈鷲首座

清拙三

覺苑翔鳴絲羽群還如無著與天親同為金蓋峰前客自是
靈山會上人寶偈歌殘華頂月玉簫吹徹少林春梅檀葉落

香風遠木馬双、產石麟

次韻會初庭
太虛一藏主

玉潤檀馨列士群道無取捨貴心親曾為鹿苑山中主親見
天衣彼上人丹桂影流犀角月百花香醞蜜房春永元喬木
侵天碧況有宗門瑞世麟

再韻酬太虛藏主

湖上道人道韻奇夜床相對共怡、吟成玉轉珠回句慰我
天荒地老時索性不留閑影迹大家剖破旧藩籬因思普化
垂慈切臨濟呼為小厮兒

次韻答川藏主 古林

得、客來窺大方松間目擊揖歸堂秋橫兩眼瞳人碧雲擁
三衣拖子、奪席胸襟君隗礪愕隣鬚髮我滄浪竹床相對
夜深語河漢濯磨星斗光

謝通講師五偈 宏智

五月人間膏火煎清風塵對有寅緣點頭頑石能明證借口
虛空解講玄隨類佛身分百億出塵經卷等三千未閑相約

蒲禪穗作別又趨花雨筵

慰心佛氏未蕭條卓、緇林有俊髦知見香熏舌本利名言
垢淨眼稜高錦雲脚踏冷修月仙嶠牽頽閑釣鼃良遂肯從
麻谷後声光矯、壯吾曹

一昨書來約見過遲留行李未成那梨黃棗赤秋如許髮白
眉龐老柰何相伴採薇雲賦襪不嫌伐木雨濡蓑對床點、
香搖篆霽月夜聽懸女蘿

乞食因循荅教遲想能心照未相疑三年約友共連壁千里
同風那隔絲鞭笋嫩黃出泥土槿花寒紫累落離雨驅暑去
晚明霽來鴈門頭字脚垂

故人妙語來天上吟對天平卓筆峰白雪調高誰屬和紫薇
花下自題封謫仙豈意論當世盧老唯甘事夜春百歲功名

一炊黍官情何似道情濃

次韻岑伯長見寄 斷江

蟾宮折得最高枝壯志那容俗子知賸有風流開笑口更多
清氣入詩脾既全道力何由昧纔涉言詮即是疑一掣六鰲
連海嶠長竿千尺手親持

次韻岑伯長
伯長李士

古林二

万事紛紜理可憑山河能險水能平閑消白日情偏好夢入
青山念愈輕洙泗立言誠足慕就烏峰垂訓亦分明休將得失
論高下一榻湖山儘自清

次韻荅林學士

懷友

相望即無五日程時、杓卜聽虛声夜來一卦忽占得樹上
安身兩弟兄 頽極乃師病有約不來 靈叟

天竺書來麥始秋書中曾說去湖州青天萬里忽飛鴈落日
千峰獨倚樓 暢上人不在 斷江三

破帽迎風出翠微諸峰殘雪映斜暉大珠山頭田已熟空手把鋤人未歸

雪晴出游懷如一溪二

源澄去作汀洲夢潛子再歌冰雪詞滄波白漚飛欲盡華表獨鶴歸何遲

經年不得龍翁信隱、匡山在目前想見石泉響寒夜一龕蘿月照深禪

憶龍岩首座

清拙

雲返故山應有約鶴離松頂竟無聲不知海上橫行後較得遲公幾日程

宣莒二藏主

古林

大雄山脚斷飛鴻華頂峰頭路不通七十二翁天一角隣鷄三唱五更鐘

懷仲文覽民一宗三弟

了菴

此寄欲拋、未得長思來伴老蒿丘道因無念殊途會人到有年諸事休閑徑草深方禁足碧林蟬叫又驚秋世情追逐

何時盡覽鏡那堪更白頭

寫懷寄五峰長老 真淨

半篙晚漲綠楊灣接翅鷗歸霧雨殘數疊吳山圓楚夢一番花信釀春寒別時小語依然在隔歲來書展復看補衮胸中五色線只今應作怒蜺蟠

懷李道夫

覺範二

尋常輕別尚消魂何況交情過弟兄孰謂此身閑日月自慚踈跡信乾坤冷、小雨江邊路薄、浮烟竹外村回首旧游方契闊孤舟何處宿黃昏

懷友人

情來無處寫詩題忽憶靈峰道者栖一榻虛空寒似水半岩烟雨黑如罨黑松西高閣俄秋草谷口平田是故溪過了黃花應寂寞霜天唯有野猿啼

懷靈峯寺靜翁上人

斷江四

折肱老人卧岩隈問疾大士殊未來雲際每煩覩乘出月邊多作鴈行回九天貝葉金碧爛千頃玻瓈烟霧開慰我渴心

消底物紺園珠樹白楊梅

病中有懷觀峰道人

何處相思暢美中青山流水五雲東折殘短長柳立盡
朝暮風誰付酒家三十萬曾臨鏡限一千通野人自足
歌招隱岩桂新栽綠未叢懷暢上人二
短景易悽惻遠人增鬱陶地寒最菊變天晚獨鴻高未歎潛
公履還思范叔袍石帆山下路猶見第三遭

招友

高峰頂上小天台法席于今為展開二百年前有禪子先馳

曾向此中來

請應菴住堯山

張禪開基

李椿年

此山已是勝天台峯頂寥正眼開無限水雲難湊泊却容
掃地相公來

和

應菴二

乞身瀟散脫三台佛祖玄關願擊開殺活拳頭須展出免人

道是賺吾來

再和

葉響初疑夜霰微曉看連玉幻屏帷令人憶煞天台遇白盡
蓑衣喚不歸

招遇野

北礪

與師同是眉山也師處山林我市朝夜暗晝明無二見何如
林下共蕭條

贈薰石田

程公許

我公事業見民謠乞保終身立聖朝但肯存心於此道不同
條處亦同條

和荅

石田

五峯雙澗屋頭山日夕思歸水石間蒙國厚恩歸未得深慚
饒舌老豐干

請斷橋住國清

賈似道

雲林草木與溪山物咸歸橐籥間精一微危如造妙何須
同共倚欄干

和荅

斷橋

三間低屋鎖雲閑折脚鐺休別處安門外瀑飛千丈雪歸來

白髮並闌看

招溪西

石門

流水空山足白雲，眼頭雖富手頭貧。賸收紅葉供寒火，來撥

青灰話古人。

初入薦福招智者，故曰二

梢堂

老屋淒涼乍住時，家風那處劣楊歧。荒苔滿地無人到，犬吠

枯松自落枝。

天寒孤客眼青寒，常憶知心竟杳然。踏雪歸來岩下寺，共燒

紅葉過殘年。

招照禪人

子元

鬢霜何用三千丈，金錫猶存十二環。苦行六年今既滿，好隨

流水下青山。

招魁一山

斷江

抱

咫尺隣峰貴往來，此生襟袖待君開。秋光況是清如水，且駕

風雲到一回。

請建仁長老長

清拙

移家又向寶幢坊，一室可容師子床。出臂鼠肝名利絕，幅巾

梨杖笑談香。序陵畫錦猶堪詠，大學朝藿豈未忘。門外楊花

正無賴，若耶山水好徜徉。

招學古先生

斷江四

病闌神思澹於秋，悵懷君苦未休。瑞室尚傳齊隱逸，山亭

猶識晉風流。若花澗草多幽趣，竹杖芒鞋好漫游。人壽幾何

頭已白，著書終不樂窮愁。

次韻李古先生
生屢招不至

招訢笑隱二首

室空塵似積，歲晚雪如旒。倦鶴松千尺，美人天一涯。南屏潛

子興，西隱亮公思。烏鵲何時喜，玄猿日暮悲。

一自西湖別，西湖幾度梅。烏田說法去，白下看山來。隔水夢

不到，臨春思莫裁。青鞋若耶路，乘興亦悠哉。

尋訪

水雲蹤跡各西東，亂世冤家狹路逢。漏泄同參十年事，斷猿

啼在第三峯

訪木平海印

伽平二

對榻無言坐席單孤燈油盡瓦瓶乾普通年事如何舉白雪

一簷春夜寒

春雪訪若海夜坐

好山行盡眼重開菜葉流金逐水來莫謂閑門容易掩松邊

有路不生苔

友人菴居

雲外

白雲山出復山沒寒澗日西還日東長老不歸予又去唯留

蘿月與松風

訪廣因忻講師不遇

雪堂行

一僧房白水蘿可中浙子定能詩蘋花四合涼無際持贈

無人只自知

訪僧湖上不值

靈叟

久思閑對老維摩欲話衆生病痛多文室無端鎖門限未應

容易野人過

訪趙野雲不值

虛堂

簾捲軒窗海色明好山好水自天成誰言老子今朝出無限

清風動地生

訪南山不值

清拙二

榴花兩樹吐丹心一片江湖義斷金祥瑞光中相見了孰云

天曉入雲深

過瑞光訪無礙侍者不值

長者車來草舍榮黃童白叟悉皆驚一香未得謝臨屈廿里

松雲入夢青

謝天童和尚訪

雲外

舉盃茶了叙寒溫情義難忘辱降尊萬里雲收天一色東山

今日正開門

嵩上人訪余東山

伽牛

謝公千里來相訪共話東山竹徑深借與一龍騎出洞若逢

天旱便為霖

謝郭公甫訪

佛印元

錦衣時復到山家幾度呼童汲井華塵尾不揮談底重塢炉

石鉚煮烟霞

鄭通判見訪有作因次韻

浙翁

得來尋真歇兄孤舟揚檝順潮行重聯斷鴈雲中字遠赴

鳥

狂

閑鷗沙上盟新味清油燻紫菜古方淳蜜漬黃菁海山只箇
供盤筋一段家風不世情

寶陀訪真歇師兄 宏智

芒屨竹杖快新晴天迥遊絲百尺輕沃若柔桑連野綠烟如
白馬照谿明逢山有寺幽欣集對客閑軒午夢清曦竟未回

訪雙池老不遇 覺範二

獨自來游微雨後道人乞食及清晨應門童子能迎客滿地
榆錢欲買春花醉發狂風日醺柳眠喚起語音真政當借榻
酬無事熟軒從教聒四隣

訪鑒師不遇書其壁

訪寶雲長老

真淨二

相見呵、笑園林落葉多青松色尚在仁者道如何世態期
朝暮風光逐綺羅居山禪寂子無厭我頻過

謝新昌權宰見訪

秋試舉人迴峨、將相材過橋分路慶勒馬入山來邑佐閑
空望林僧靜可陪何當布霖雨天下活枯荄

會合

枝頭喜鵲噪聲、知識迢遙喜訪臨觀面當機一句子南湖
水淺北湖深

天王和尚至

清虛心

無心忽地重相見水闊山空情味長窓月照人眠不得一甌
茶罷復焚香

喜子元至

雪岩

鷗朋鷺友幾星霜入夜分雲對石牀話到江湖最深處燈花
飄雨濕秋光

會太古虎岩

德岩

坐致太平先是我埋兵挑戰却輸君鍊浮圖下重相見燈盞
花開五夜春

會独木和尚

雲外三

日月東西行未盡相逢不必問如何山間松食人應少世上

黃金夢最多

會觀藏主

因君每憶雲門寺五六年來會兩番詩句老隨秋髮鬢老客身
閒似白雲閒

會恩藏主

雪山舊恨未能平出得飛猿客路行南宕湖邊相撞著席頭
戴角尚生獐

會仁山藏主

龍岩

機鋒不減姪師叔聞說叢林最飽參無暇對人收冷涕却能
為我出寒巖春江柔櫓何時聽夜雨山房且對談聖電一燿
端可貴此生俱是再眠蠶

喜文首座至

覺範

十年不住文溪上一策重來鏡水南短髮未應齊我白新詩
端合共誰譚潺湲亭外山無數躑躅花前月又三石眼出泉
如玉乳雲峰當日有禪菴

喜暢上人至

浙江

聞說江濤解覆舟此行猶喜是安流相逢且慰十年夢傾蓋

何妨三日留渾無包笠為身累祇有雲山作勝遊慚愧不隨
乎上坐任它寒角起城樓

會雍熙長老

古林

離別

十年倦客思深隱江北江南千萬峰今後故人應念我有書

何處覓行蹤

別劉師美

東山

倒騎鋏馬渡瀟湘澗草岩花不覆藏回鴈峰高新到頂了無

佛法可商量

別妙喜老師

誰蒼演

憶昔當年蓋屢傾應機談辯許精神師今老矣吾歸去願把
相思結後因

別需懶菴

富直柔

此行安忍泛輕舟無奈官差不自由痛望老人修淨業真教
容易度春秋

贈別俗兄

應菴

拚命來經蠱毒家不啻滴水喪生涯尚餘窮相一雙羊要向

諸方痒處爬

別曹源

癡絕

石上開田鏡樣平五年淺種與深耕工夫用盡知慚愧白飯
元來米做成

別石田

靈叟

世情離合何須說祖道扶持有所期明日天台山上路正當
風雪做寒時

荅岩首座話別

竺源元

八千里路一枝筇得來棲玉几峯我已趣裝搥退鼓水流
雲散各西東

別悟上人

東岩

風虐霜飈知幾回未應鶴怨與猿哀黃花開遍紫雨正是
山中話別時

別友人

舜田滿

敗闕一年都納了自孤靈樹接雲門羹羹濃飯白諸方有不似
徐園莧菜根

辭藏室和尚

龍岩

竹裏幽居共一年高樓容我自安禪商量白文野狐話幾度

寒窓夜不眠

別龍巖

清拙

殘紅換得綠陰成隨分閑愁取次生須信百年終有別未能
一日便無情何時嶽色君同看后夜湘晴我獨行好在西園
行樂處為誰依旧月華清

別李公弱

覺範

留人

名山靈迹遍優遊賞勝心應近已休好住新豐古洞裏共揚
佛事老春秋

留真首座

真淨

等閑颺下千斤擔過我芝岩樂有餘滿目黃花并翠竹更共
何處覓真如

留西堂

少室

古人因未死偷心嫌个菴兒在不深當体若能忘動靜方知
塵市只山林

留妙侍者

雪岩

江湘淮浙已清游白社如何不少留聞說六花峰頂好岩房

雲鎖十年秋

留萬山首座

龍岩

侍余函文二三日損由來道未訓何事解衣輕取別鉢囊
猶挂樹梢頭

留僧

白雲紅樹正清秋蹤跡胡為不我留坐對天寒燒木葉火爐
頭話互相酬

留人二

古林

窮苦相挨投鉢囊繁華休更問諸方二三僧聚荒村寺又見
汾陽接石霜

伽牛

住菴

臨溪長柄向來杓瑞世優曇今日花到我住菴無此瑞只將

溪水煮山茶

本老昔住此菴今出世再過

東山

輕他院子若鴻毛拂袖歸來意氣豪避得天雷遭霹靂也知
罪業果難逃

送入退席住菴

笑翁

糞火堆中不善藏蹲鴟直透九重香烟雲深鎖青山塢輒莫

鐘聲送夕陽

鄙翁住菁山菴

介石

正席雲山萬象回道人青眼為誰開呼童放竹澆花外修整
茶炉待客來

契師住菴

虛堂

後板頭邊羈竭節十年閑靠碧岩阿而今卓向姚江上誰敢
當機道有麼

後堂住菴

靈叟

雲外編茆厭世紛青原有路肯通村拳頭只合籠深袖莫放
平人來上門

順上人歸吉州住菴

南洲二

苔上空階豆遶籬也知肝膽向人披一機父子不相到軋
風搖白版扉

德岩父子菴居

饅頭添鍊墾深雲更買砂鍋煮菜根只此生涯隨分過日長
閑掩竹籬門

示汝良結菴

虛谷

禪腹頃來竹篾纏好看水牯自耕田布單不賣三千里樹耳
誰疑二十年一句合頭尊旅會十方坐斷正偏圓它時投杖
來相訪且莫窮忙空豎拳

送高上人住菴

宏智

山居

袖手林邊行一回不愁明日午時齋石橋西畔古岩下一樹
松花一半開

山居

艮岩沂

蕭蕭白髮已盈顛空走江湖四十年留得一雙青眼在匡廬
山裏看雲眠

廬山閑居

龍岩

廬山於我有因緣一住而今二十年飯後松陰行數步拾枯
閑煮席溪泉
我無院住又無禪落得閑房打大眠个上門來攪惱思量
只好劈胸拳

金鳳雞冠間樣栽淡然相對素秋開也知不似春花艷戲蝶
游蜂罕得來

匡廬不覺住多年七十過頭雪滿顛飽喫山田尖米飯看雲
閑步兩峰前

有生七十二年春憂道由來不患貧寂寞閑房徒省過免將
身口累他人

清虛冷淡道人尋傍山林度歲華佳客過門無可待開窓
看竹當前茶

四境寥々百念冰月移松影下岩層匡床面壁開門坐多是
無油不点燈

動靜孤蹤不在言侯溪只似席溪邊一頭白髮成何事纏倒
廬山三十年

一樹青松一抹烟一輪明月一泓泉丹青若寫歸面盡添个
頭陀坐石邊

山居東嶼韻

無見觀

果然年老多顛倒掘地無端欲覓天香界六行燒到曉四行
打坐兩行眠

日照窓前曉氣清弗燒香篆懶看經个中消息知誰會獨倚
松根聆水聲

修行願入三摩地最是年來懈怠深筋竹岩根盤脚坐一輪
紅日又西沈

終日寥々坐石床更無餘事可思量却嫌黃葉遮苔徑自折
松枝掃夕陽

山房寂々坐深夜一點寒燈暗結花老鼠成群偷芋姪床頭
打倒破砂鍋

華頂巍々挿漢霄誰云四萬八千高長年只住茆菴裏一任
門前草沒腰

水落岩根添竹筧方池一派暗相通有時獨立青松下風送
殘雲眼界空

知足節量世所宗含辛茹苦愧相同飢來只喫蒼苔花粥應笑
床頭米桶空

電光石火機難測棒喝交馳何太孤堪笑老胡無計較要沉
鍊網取珊瑚

三世如來一口吞陳言冷話不須論十錢買得黃砂鉢埋向
爐邊煮菜根

新縫紙被烘來暖一覺安眠到五更聞得上方鐘鼓動又添
一日在浮生

蓬萊圖

紀夢

十幅峨眉紫翠寒何人逸想發毫端忽驚瑞色雲間相曾向
清宵夢裏看影像不真心自寂悟迷無隔指空彈了然一念
非新故我與群生入正觀

夢礼普賢像

覺乾

晚睡初醒月上塔遠村何處笛声哀霜凋隴岸有梅破雪隔
炎州無鴈來旧隱青山猶在夢故交白骨已生苔欲談往事
無人共自擁寒炉自畫灰

夢元双杉

藏叟

故人窳堵光中住亦有寒松生夜濤平昔相過唯坐穩暮年
併絕是吟豪床頭瑞竹千霜在檻外海棠三丈高將謂禪遊
無覓處春風吹夢忽相鑒

夢瞻無及

断江

夢遊赤松小桃源

龍岩

夢入桃源裏青童引客看兩橋橫断澗三峽瀉驚湍石化羊

何在丹成炉未寒誰云仙迹遠咫尺紫雲端

重刊貞和類聚祖苑聯芳集卷第七

重刊貞和類聚祖苑聯芳集卷第八

入道具

誰把金針鎖亂雲更深山水遶閑身披來宴坐明窓下多謝

君王寵賜頻

謝麻衲

保寧

龍披一縷避金翅我掛半肩承厚恩萬姓仰瞻歎希有線蹤

針孔納乾坤

皇太子特賜金襴

鷄足山中藏不得黃梅夜半負將歸而今盧老重拈出便是

山僧肩上衣

謝盧居士法衣

東山

鷄足黃梅錯至今徑山休更老婆心上方不掛絲毫許誰道

恩深怨亦深

圓法衣還徑山佛照老師

朴翁

前三、與後三、只要機先便荷擔脫體不留絲線影始成

百福相莊嚴

付衣二

子元二

菴居門徑掩蒼苔放汝堂前線路開性燥一肩三萬里家風
到底辱黃綈

傳來鍊鉢盛菹飯麻納袈裟衣入黑盆祖宗活計都壞了不知
將底付兒孫

圓悟禪師送衣鉢至

大慧

黃梅寶鉢老盧偷枉被塗糊不到頭今日莫言將底用我儂
元自飽勦

失鉢孟三

寂菴

大庾嶺頭提不起德山親手托將來不知那個閑尊者借去
降龍未送回

斷崖二

香積厨前一木魚頭角嶢嶢肚裏虛昨夜悞入僧堂裏吞却
座元一鉢孟

馬祖高懸機漏泄趙州馳獻意何深見它毛病拈它底豈有
絲毫錯至今

拂子

野雲二

不是龜毛非麈尾當陽豎起耀乾坤幾多逐物迷頭者開眼
堂如夜行

密、周旋結箇椽暑天贏得拂蚊蟲不知除此更何用堪笑
趙州者老翁

椽拂

保寧

過肩杖子得多時聊寄同門老古錐莫只閑、相倚靠峻途
邪道要扶持

寄主丈與笑翁

止泓

深藏岩嶠已經年滯貨軒知賣不行昨夜春風生碧落岩前
又見一枝橫

主丈遺嗣子

雲頂

山僧一條杖縱橫無比量有時在手中應用遍十方

主丈

葉縣省

香巖一擊眼如盲可怪無端節目生不是一回親入手人前
寸步也難行

竹杖

雲頂

一枝蒼玉寄宵人遠勝邛州九節紋添得老來山水興指空
敲石看飛雲

酬李新恩惠竹杖

虛堂

齊

百八摩尼顆、圓遼天鼻孔一時穿恒河沙數佛菩薩日

呼來跳一圈

數珠

無門洞源二

三世如來一串穿在渠掌握裏盤旋忽然心手相忘處和佛
和珠落那邊

失數珠

南詢初不失程途收得金剛腦後珠兩手持來親獻我光明
烟、破昏衢

謝道友惠數珠

應菴

老來無力念觀音賜我數珠非好心大地同聲齊念起即翁
喚作草虫吟

謝即翁惠數珠

西岩

金粟全提向上機秋風影裏走摩尼就中一線無人見老鬼
推輪又過西

桂花數珠

子元

生鍊脊梁長厮捱誰能瞥轉自知非漫、一片擔將去笑倒

當生老翠微

禪板

西江謀

霜前截斷蒼龍角背觸分明驗正邪直下兩頭俱透脫出林

猛虎鼓唇牙

竹篋

大休念二

塵

提起全歸於掌握展開大地絕纖埃人、有个一擔子踏著

方能用得親

坐具

長、兎角堪為丈月裏姮娥手自栽種出山中多狡獪根非
下土可滋培桂輪萬里推將去太華千重卓得開老倒芭蕉

提掇處有無與奪驗方來

兎角杖

月江二

龜背刮毛宜作拂談玄不較短和長掛時魔佛俱藏六豎起
人天聽舉揚擊碎玄關明悔吝敲成吉兆絕承當趙州受用
應無盡末後猶將寄趙王

龜毛拂

雙竹杖

浙江二

君子有連壁扶衰勝杖藜同心忘楚越清節尚夷齊不見湘
妃泣曾經竺叟題未成龍比目閑掛草堂西

竹拂子

擇龍因聽法化作雪髯翁高節天人表清風像季中千峰時
掛壁萬象自談空何物堪為侶龜毛也不同

法器

通身只是一張口消得他家萬兩金索性和聲相送出三千
里外有知音

鐘化士

月坡明

爐鞴頻經器晚成何如天壤自馳名衆生夢入漫三夜口不
能緘為一聲

新鐘

南極

妙音纔發十方聞日月星辰八卦文萬象森羅呼得至一回

敲動一思君

謝無雲首座惠小鐘

清拙

野店小橋外黃昏欲雪時一聲誰側耳千古喚愚癡

與鑄鐘道者

應菴

辰

玳瑁報曉會茶晨直下無私喚起人各殷懃烹啜了可憐

幽韻又虛陳

石磬

真淨

冷觀寒氷自發輝才方念起劈頭鎚萬機寢罷全因我韻出

青霄更是誰

化磬

野雲

出林師子喜頻呻錦上添花別是春折脚禪床都蓋了南山

鱉鼻要發驚人

送法被與詮長老

慈受

法空為座要莊嚴簇簇花從錦上添漏泄當年微笑意一枝

何待更重拈

施主捨法被

慈航朴

一方、是一佛刹一片、是一如來少林面壁看不破五葉

一花從此開

繡法被

古林

內空外空內外空一轂纔舉迅雷風流通佛法無多子千古

靈山氣象雄

鞞法鼓

松源

臭皮包裹个形骸曾被禾山鈍置來直得通身無害了輕

拶著吼如雷

鼓

崇山

爛木頭邊釘著死牛皮有活機關須弥槌子輕拈起撼動

半天星斗寒

鞞更鼓

九峰

四大猶來造化功有聲全貴裏頭空莫嫌不與凡夫說只為

宮商調不同

因魚鼓有頌

趙州詒

慣遊滄海混凡鱗奪得驪珠解轉身号今叢林無限意和聲

送出亦時人

木魚二

無際二

白浪衝開與麼來轉身元不假雲雷而今高掛空王殿臭氣

從教徧九垓

良冶烹成大法材通身鱗甲起風雷有人扣著西來意海藏

龍宮盡豁開

金魚版二

子元二

道是魚時還有角雖然有角却非龍一轂霹靂驚天地躍出

趙州茶盤中

赤手空拳與麼去打成一片便回頭歸來掛在三峰上惱亂

叢林卒未休

化雲版

蓬菴會

入門便打絕支離佛祖排班聽指揮老倒文殊遭擯出放行

把住合清規

靜槌

野雲

百斛洪鐘重萬鈞層樓高掛警昏晨作興禮樂叢林古利益

人天號令新五趣消停空九地一音徧普入諸塵堂北野

銘光耀永鎮南禪祝紫宸

掛鐘

清拙

衣服

一物全無盡力擔相逢江北又江南向來貼肉那堪話更著

渠儂一布衫

惠知微以布衫送壽昌可師有偈答之

東山三

著時人顯衫還隱不著人亡衫却存隱顯存亡是何物黃金

鑄出鍊崑崙

寸絲不掛魚遊網萬善嚴身月入雲若是壽昌端的處明年

一領却煩君

普賢高繫象王袴妙德長拖師子衫遣向壽昌為侍者一人

不肯一人甘

關西毛段蜀川綃萬里持來恐亦難謝汝殷勤復歸汝老僧

布衲得遮寒

僧上蜀綃毛段不受

新成紙襖著彭亨掉臂何妨雪裏行我既不怜人不愛世間

從此免相爭

紙襖

慈受二

看來不直半文錢颺在山房閑打眠毫髮不曾留影迹是中

無縫亦無邊

紙被二

幾回和月擣西風微顙纖瑕淨洗空冷地一番纔入手橫眠

倒卧在其中

竹岩

這邊提起那邊看以一層難去一層薄處不教先破綻誰曾

知道五更寒

補紙被

月庭

幽人十月猶絺綌萬瓦霜清木葉號賴有西隣念衰冷夜窓

叢手辨衣袍

謝諸道友辨寒具

覺範

針頭自是不通風一線聊為小弟通成見接來成見者不愁

風雪到山中

謝一翁惠襖子兼金二

子元

烹金鑪冷五峯前屈指于今五十年此日再看光燦爛斷腸

重憶舊因緣

縑地經天只看君絲毫拈起蓋乾坤襤褸更不襤褸也一寸常懷一丈恩

謝綰

月岩

破衲襤褸歲月深故人贈線我無針幾時穿得完全去一度提撕一痛心

謝人惠線

隆首座

寸絲不掛方免寒何須特地裹長竿而今落零也七佛之名甚處安

觸衣

双峯印

當年西祖曾留下今日蒙師特惠來觀物思人孰知我月明著上妙高臺

酬泐潭月長老惠鞋

黃龍

信手裁成任短長密通一線透中央看來只是舊時底著何妨到處行

謝無用和尚惠鞋

浙翁

兩脚渾如擂鼓槌絕方著地絕狐疑如今老朽能溫暖忘却

當年喫水時

謝等菴鞋

混源密

四稜踏地老無懷正好重新買草鞋成現送來雖著了諸方

無處可邏齋

謝少林蒲鞋

葛無懷

鞋子從教墊火燒灰飛烟滅轉風流何妨破底拈來著要見

娘生脚指頭

鞋被燒

何菴一可菴念

針、不放一絲閑尺寸因子分外慳湖上雪深容易著幾年

赤脚走青山

謝送襪

古田

紙衾來自玉峯前旋拆封題一粲然便覺室庖增道氣不憂

風雨攪閑眠就牀堆疊明如雪引手摸蘇軟似綿擁被並鑪

和夢暖全勝白氎紫茸氈

玉池禪師以
帝衾見遺

覺範

莫笑山翁紙襖穿尚堪泥補過窮年杜陵短褐亦瀟洒
貂裘終棄捐野鶴形儀非近玩落花時節是深禪
香林暖氣

有多少贏得韶陽語話傳

紙襖

浙江

止

慈母親縫卉布裘趙州安用說青州提來奚母七斤重受用
如今五十秋隴樹成陰雲入望春暉煦影雪蒙頭詩亡未信
夢我廢目注長江萬古流

卉布裘詩

雲屋間

稱身長短製重裘四海吾兒陳睦州橫葉擁趺頻借煖荷衣
露肘不勝秋天吳紫鳳旧時褐卉布金鍼母指頭五十餘年
身八十一番新裏淚滂流

和

晦機

四紀飄零季子裘相知相識遍南州白鷗已絕西湖夢朱鳳
高翔南宕秋手線易沾游子淚鬢絲空老少年頭向來浩有
追隨興濯足西江萬里流

再用韻謝淨慈
晦機未上見和

雲屋

我有傳家白毳裘尚餘印識寫涇州山川迢遞數千里歲月
侵尋二百秋乘傳曾經燕北際賜衣親被殿東頭阿師公案

老相似往事興懷涕淚流

和

王玉成

雲林袖出睦州蒲奉母之餘又及吾靈運登臨幾緇履子喬
來往一雙鳬王門珠履人間在御榻麻鞋世上無軟地何妨
長叟脚老僧留得伴跣趺

蒲鞋

月江

赤

雪夜懷上人借衾

北磻

休

挾纈如水薄無氈替客愁綾衾閑直舍布被老夔州樓玉方
撐起山水莫倚跡歲寒知小友餘暖肯珍投

紙被

表裏凝霜彩橫斜皺縠紋夜禪初學繭寒夢忽成雲白疊寧
無愧黃紬豈足云罽津骨已冷誰策楮生勲

八器用

樂器附

寒灰槁木只徒然火種星兒也要傳不是就中能委曲如何

得个話頭圓

香印三

箕山

覆去翻來只一鎚羅紋結角火星飛誰知起滅不停處使得人間十二時

燭火焚、一線開寶盤終日自縈回也知物理人間事歷盡崎嶇心始灰

北磬二

明：印板脫將來簇、攢花引麝煤不向死灰然活火此中一線為誰開

香篆

咬斷牙關不點頭有些香氣沒來由當頭搭箇冬瓜印頂出人前不識羞

香印盤下耐重子

短蓬遠

通身是眼耳双垂野馬橫穿一任伊劫外壺天金不博只圖火筋與香匙

漏塵香匙火筋臺二

清拙

赤銅為質鏤花垂來往飛埃不礙伊無動用中常動用炉灰

如雪白翻匙

萬煨炉中脫得身規模何止重千鈞只因些子無明火驗盡

低頭合掌人

香炉

浙翁三

一刀兩段絕疑猜擊節香嚴眼未開突出人前開臭口熏天炙地幾時灰

竹炒

鼎分三足耳衝天瓦礫堆中鍊樣堅熏透頂門些子竅幾面拈撥在人前

謝如菴瓦香炒

函蓋相應固異常隨人日用不相妨个中只有些奇特信手拈來遍界香

香合

毒菴

轆轤声中井花滿亦有口腹如許清百花叢裏度朝夕一點不閑流俗情

花餅

希叟

巧妙功齊造化功劫初田地見淳風公侯把定乾坤手置我

清平在眼中

謝左馬頭殿送花臺

清拙

刮垢磨光昧本光塵埃滿面却相當大家赤手提持處開眼

明入鑊湯

面桶

野雲二

始因擔板入禪房東筵三條參衆香忽地虛空連底脫一場

狼藉怎遮藏

供桶

塗

合縫磨稜無滲漏撥灰抹漆轉風流肚皮更束三條蔑好个

人天粥飯頭

粥桶

孤雲權

南泉平地起風波打破當年旧粥鍋今日天童重鑄就雖然

同罪不同科

鍋

浙翁

不解諸方錮鏹成一鎚打破與重烹等閑脫體離窠臼煮粥

依前不是羹

再鑄粥鍋

無準

器分三足真神物具体而微有旨哉我識地靈先獻瑞知公

才業足鹽梅

古鼎

覺範

大冶收來已見功志堅金石裏頭空雖然有氣無施設強自

人前弄鬚風

湯瓶二

希叟

常將仰口笑虚空肚裏奔波怨氣衝想汝別無煩惱處只因

埋在火坑中

斷崖

塞耳蒙頭成大器者些滋味許誰知看他倒腹傾腸處佛祖

當頭也皺眉

醋瓶

清拙

膠漆盤中脫得身看來光彩轉分明家常施設隨豐儉不比

諸方熟碗鳴

盂

谷源道

和泥合水有來由透過紅炉未肯休要得完全須擊碎匙挑

不上轉風流

破碗

竹岩

纔出頭來便脫空人前偏要展家風知它幾個無心碗落在

渠儂圈續中

橐

心聞二

通身是眼露金機拈起何如放下時除却一重噉粥飯何曾輕用者些兒

鉢拭

赤體挨從劒刃來徹頭徹尾一般齊從前慣奪飢人食不待諸方臭口開

筋

谷源二

鑿斷雲根硬做成機輪轉處睡魔驚中心不動些兒子收拾鎗旗賀太平

茶磨

機輪轉處水潺湲機若停時水自閑末上一遭知落處十分春色滿人間

水茶磨

大川

薦得奔流那一機朝春暮搗少人知從渠點首不點首自有吹糠著米時

水碓二

寂窓

奔流度刃暫經過無奈時人計較多終日七顛并八倒還知

為米折腰麼

無量

石流湮上水悠悠來往猶虧一渡舟長者巧施方便手春風一棹曉烟浮

化渡船

竺雲曇

路遶懸崖萬仞頭擔泉帶月幾時休个中撥轉通天竅人自安閑水自流

水竈

木菴永

要活從前渴死人一槌石火乱飛星教伊立地開眼去坐對寒泉看月明

石竈

晦堂

槁木形骸紙作衣虛堂独自峭巍長年對面何曾隔自是時人不薦機

帟屏風

無際

白雲擁室地無塵紙帳翻波蹙浪痕睡去宛同明月夜覺來疑是雪藏春

紙帳二

草堂

玉楮亭稱冷官晴雲垂地著蒲團夢回不復疑胡蝶猶記

蟾枝宿廣寒

北磬

排頭鼻孔吼如雷漏徹燈前夢未回寤寐安知無異致且煩
為罩卧如來

化帳

別峯

滿堂蟠蟄卧僧龍一片閑雲下碧空舒卷當機元自在從教
蚊蚋弄狂風

祥符僧堂帳化士二

松源

餓蚊如席鬚如釘午夜常來耳畔鳴一片碧雲都蓋了看他
伎倆怎施呈

浙翁

三百鍊牛被蚊咬滿堂露柱叫身疼憑誰裁取相山霧為我
羅籠个樣僧

建長僧堂帳化士

清拙

捲起何如放下時微風輕撼碧雲垂夜深動地蚊雷吼病枕
安然總不知

延壽堂帳

靈叟

三載歸來打葛藤打成秋水無痕脇尊者睡長開眼脇亦

何曾印簞紋

謝簞化士

北磬

入草從來有卷舒那堪綿密著工夫打成一片落誰手拭目
橫鋪或豎鋪

化席

靈叟

窮心何必在三椽直透歸宗一味禪翻憶當年曾卷起無端
又展與人眠

送僧化席

應菴

百草頭邊一味禪打成一片話方圓衲僧只个知恩底夜
何妨抱佛眠

歸宗化席

清拙

末山心行得人憎展席當機驗衲僧到此若無行脚眼定應
一覺到天明

尼師捨旦過席二

斷溪

信手拈來草臨機顯大功打教成一片全體坐其中

天目滅翁

檀拍板話幾經心古韻沉三歲月深此去憑君好收拾歸來

一曲訪知音

送化壇

方菴圻

竹頭木屑盡堯籠密工夫不漏風任汝兩頭扛得動中間自有主人公

轎子

斷崖

編

皮膚脫盡迥超宗偏逼將來活路通不是從空俱放下如何當得此門風

梭簾

弁山

一機終透萬機休舒卷從來得自由好在當陽難蓋覆青山為額月為鈎

簾

可何菴二

憶昔當年妙喜翁歐峯趯倒浪翻空此兒火種無埋處又向青山簾上紅

簾被燒

絲開渭水蒼龍骨織就炎天片雪寒六用門頭終放下節文一點不相瞞

涼簾

南叟

卷起見虛空猶未稱吾宗爭如齊放下綿密不通風

暖簾

毒菴

一輪明月出雲霄曾伴山僧經幾宵徹骨清風誰不愛一人搖了一人搖

扇子二

頂圓骨瘦面皮黃展盡神通掌握中不是渠儂無定力要令大地起清風

覺首座

略露壚官索扇機大家出手為提持多年破底休拈出要見清風再復時

化扇

雲峯

廣教一柄扇本來無背面有時在手中要且無人見

扇子

葉縣省

形跡疎來越兩霜寄將秋扇意何長老懷只怕西風至莫怪逢人少舉揚

謝淨提點寄秋扇

古林

大千都是一菱花徹底靈明絕點瑕千眼大悲看不破海天

空闊夕陽斜

鏡

絕照

多年昏暗不曾磨重見光明第一科痕垢盡時光燦爛當臺

依旧照山河

磨鏡人

毒菴

從教世道自炎涼落得安眠旧石床眼合眼開俱是夢晚風

商略桂花香

題枕屏

雪岩

焦桐烟、七星寒流水松風指掌間只自世峰高枕後方知

此曲少人彈

琴枕二

率菴

巧出焦桐樣淳含太古音多因和夢聽只作夜虫吟

無準

内外空、鍊面皮烏藤七尺每相隨衲僧氣宇衝牛斗也要

渠儂盖覆伊

笠頭

笑翁

圓陀、霎成無漏頂骨堅牢柄櫛全盖覆群生到家了那時

方始得安然

雨傘

虛堂

葛藤窠裏脫身來一竅還他頭上開肝膽心腸都吐盡單

只有煞人材

藥胡芦

浙翁

向外馳求漫度量七珍八寶裏頭藏直教打破知端的拍手

呵二笑一場

如意袋

率菴

函蓋乾坤氣量周銅睛鍊眼一齊收幾多利腦尖鋒者到此

如何敢出頭

針筒

無門

大手磨成百鍊鋼鋒鋷無地可遮藏頂門一竅穿將去簇錦

攢花壓當行

針二

保寧

惡鉗鎚下現針鋒正眼開時一線通百匝千重俱剗透始知

个是夜深功

偃溪

千里同風似不曾三張白帟遲多能惠而不費常州有快與

玄沙剪葛藤

謝送剪刀

率菴

惡鉗鎚下翻身出个、當陽要出尖釘得虛空無縫罅有完

全有不完全

鍊釘

希叟三

好手、中呈好手偏尋痒處為人抓從渠痒處親抓著未免

依前自喫交

痒和子

木石身心得親个中輕重要分明若人會得鈎頭意八兩

尤來是半斤

秤

口、談空無歇時天然不怕八風吹夜來錯下一轉語鴟吻

耳聾殊不知

風鈴三

清虚心

一擊分明透古今玲、不昧一生心个中曲調無人會時有

清風來賞音

率菴

通身是口掛虛空不管東西南北風一等為渠談般若滴了

東了滴了東

淨和尚天童

小、身材不可欺个中消息許誰知灰頭土面無人識會有

驚群動衆時

爆竹

真點胸翠峯真

高處却因從地起扶搖直下勢搏空謾乘風力隨他去收放

都來一線功

風鷄子

浙翁二

郢人斲就棟梁材豎起憑渠借力來但得索頭才入手萬夫

齊和一声哈

索

悠然勇變劃然鳴古恨沈、易水生短髮不禁愁觸緒恰如

猿叫第三聲

聽紹上人琴

北磬二

天籟無聲地籟沈一轟千仞裂層陰腫、喚得關山月不作

離鸞別鶴吟

聞笛

幽、寒角發孤城十里山頭漸杳冥一種是声無限意有堪

聽有不堪聽

聞角

五祖演

博山沈水覺塵埃旋斫凌雲綠玉材自拭錦裯含淚粉要焚
銀葉返魂梅意消未掩黃庭卷火冷空餘白雪灰應把熏衣
閉深閣流蘇想見畫屏開

竹炉

覺範二

黑甜誰欲嘗閑味此枕令人穩稱心風骨子猷居處竹典刑
九亮醉時琴宜籠霧鬢清圓語聽學朱絃發越音不用製囊
裁古錦春寒長搭開花衾

鄒必東竹枕

大冶鎔金入範看不嫌口闊肚皮寬得來妙觸通身眼淨放
光明赤肉團衲子落成俱受賜檀那相助許投干底心試問
楞嚴友道契圓通只箇般

幹浴鑊

宏智

瓦枕

斷江二

老瓦苔蘚色禪餘代曲肱黃鸝語深樹白首觸層冰試問耶

鄆客何如衡岳僧蘿陰一塊石萬事付夢騰

松癢和

刻削成仙爪爬搔勝小兒地炉燒葉夜茅舍負暄時得自煖
枝墮閑同麈尾垂平生快活處無過是頑皮

風琴贈選上人

北礪

萬籟甫消聲鏘然忽自鳴獨宜風力小雙與月華清歷歷諧
三疊玲瓏叶九成宮商雖斷續何處不分明

文用

毫端演出言辭海今古何曾少得渠須是老盧先悟道偈成
也要倩人書

筆二

浙翁

立得心堅未足真一毫頭上惹煙塵直饒文彩堂露也是
江淹夢裏人

璞菴

鬼營三窟太深生獨怕蒼鷹距爪獐一旦羽毛同束縛看來得失不多爭

鷹毫筆

浙翁

錢瑞毛錐玉管雙開絨萬里憶錢塘磨頭斜轉西湖路朱漆名牌照綠楊

謝立仙藏主惠筆二

清拙

尖齊圓健擅全功惠我書經雅意隆寫到普賢行願品蒼龍奮迅墨池空

三峰玉立護雙龍不與人間架一同縱有明珠須撲碎老僧

擲筆已揮空

謝如翁雙龍筆架

浙翁

無心檢點筆頭春踈懶從教到十分留取半生揮翰手岩前

無事學耕雲

投筆

無文

鏤限功成藉介曹不封不樹意尤高著名自足垂千古濟世

誰能拔一毛

筆塚

浙江

坐斷禹泉正令新猶能把筆寄陳人何知自用腕頭力點出

高山萬古春

資福道元法兄惠筆且謂少助贊花之與答以二偈

了菴

遠遣宣毫助貫華要看靈豔吐天葩老來無許閑心力此事

而今付作家

陶泓漢走烟煤萬里滄溟鏡面開莫訝水晶宮殿冷更看

玉兔夜懷胎

謝太守送水晶硯匣

子元

我宗無法與人傳生怕兒孫紙上鑽惠我陶泓荷勤意不知

點筆寫何言

謝人惠硯

鍊山

陶泓毛穎每用事此水解膠并濯昏老龍旱歲得一滴白日

人間黑雨翻

墨池

浙江二

天上昆吾玉似坏何年風雨下銅臺可中寧飲墨三斗不用

曹瞞鵠一杯

鄴瓦研

電光影裏急翻身利海真成一聚塵遺我陶泓亦何用尚須磨盡世間人

松月翁遺硯至

了菴

妙法從來不易知研磨展轉見光輝雖然出自燃燈後用在言詮未發時

墨

孤雲

一點雲生秋兔毫莫將容易寫離騷月明華頂風清夜萬杵霜葩落毳袍

送墨與人

南叟

紅鑪突出全頭角吸盡曹溪眼倍明一滴莫教輕漏泄烏雲黑雨座中生

水滴牛

晦室明

出身元是卧藤蘿做處因承面壁多千里憑渠通信息令人笑殺備頭陀

紙二

覽見範

打成一片絕纖埃不遇當人不展開說甚玄沙傳雪嶠與它一狀領過來

誰剪吳江半江水持來片一抵黃金掃成八萬四千偈乞與

潮聲日夜吟

吳棧

石窓叅

雪繭拈來試畫心冰光一片出波深因思十里山陰路萬杵

秋風落夜砧

太守送紙

子元

薛窓塵几過秋風千杵吳霜落枕中多少文章待前拂江南

唯有剡源公

吳棧寄戴架閣三

斷江

翠巘題徧寒山子紅葉書殘鄭廣文誰把吳松一江水染成秋月與春雲

楮生頗有君家旧莫訝三年信不通眼底諸郎水潦鶴人間

萬事馬牛風

歛珍先數取絲紋那料端谿更逸群已作退閑今似我溫然自重尚如君豈宜禪室埋嚴價合在文場著策勳忽如風櫛

應有夢、隨筆陣掃烟雲

李師尹以端硯見遺作此謝之

覽見乾

搗帝

北礪

萬杵不為輕丁寧玉汝成忽聞敲月響誤作搗衣聲整、雪添薄方、雪更明沈思過秦手古恨滿箋生

八食物 藥物附

捻不成團撥不開一槌直下絕纖埃從茲幾度經節後盡向箕前跳出來

送米上佛照禪師

率菴

香分雪白家田底泉煮南山、澗陰老齒任從無一个不曾咬著寂恩深

謝人送白米

別浦

南山近日飯羅空衲子難教口吸風引臂上方香積界須勞金粟展神通

上張及菴乞米

石田

竈間三日怒飢面老去一毫無木腸走乞毗耶半炊玉歸來

作舞遶禪床

與陳大監乞米

希叟

鬢毛蕭颯已成翁奇怪胸中盡掃空尚要俗人傳好事歲殘乞米送盧仝

送米與陳監元

歲叟二

山房歲晚冷如水欲訪盧仝病未能莫恠鄰僧無米送無人送米與鄰僧

荅羅菴乞米

生來翠浪翻空起熟處黃雲窰地垂打透重羅親見面方知日用不相虧

麥三

性空觀

大野風翻麥正秋須知粒、有來由重羅打透工夫到見面一回方始休

浙翁

若

熟未熟時看如何山前秋後隔天涯誰凌乾浪堆、勢不把竿絲釣得蝦

清拙

金陵山上望吳門複水重山一眼吞兩處莫言千里隔到頭

豈有別乾坤

麋知府送蜜煎和韻

東坡

只用單方一火煎自然甜味絕中邊通身是口親嘗著莫謂
流歸八識田

蜜脾新滿割山房都是諸花知見香味絕中邊深有旨待將

無舌為君嘗

謝保福寄蜜

覺範

老儼年來百不忤寂嫌苦淡不嫌甜蜜中有味中邊絕莫笑

山居世味添

謝心禪餉白蜜新麵

三月東莊新麥熟碾遲羅細玉麝香要看十字開籠餅寄與

菴頭老儼嘗

合水和泥練一團拍開捏聚冷光寒線來線去雖相似雪浪

翻身始好看

索麵

幻菴

包含一點波羅蜜淨潔工夫見也麼更有些兒圓轉處鑊湯

出入奈渠何

水團

可何菴

香粉搓成顆柔鑊湯裏面試沈浮有時捺向金槃內一似

銀河爛斗牛

斷江

顆粒親從確甃來權將竹葉作胞胎鑊湯裏面翻身轉那个

聲頭口不開

粽子

簡堂

黃秫爛春如切玉醉人風味忍沾唇火爐頭話煩君舉莫作

粘牙綴齒人

白糍寄夢窓

虛堂

寬著肚皮急叉手鑊湯裏面翻筋斗渾身糜爛轉馨香那个

禪和不開口

餛飩

無門

諸方五味盡包藏叉手甘心入鑊湯透脫出來純熟後心空

衲子便承當

餡子都盧著一些面皮拽轉手相又不因跳出鑊湯裏爭得

諸方掛齒牙

隆首座

分外濃甘黃竹筍自然微苦紫藤心東坡鐺內相容攝乞與
饒禪掉舌尋

東坡羹

覺範

頭角尖新鍊樣頑當撥一射透千山助君談笑風雷舌嚼破
都來一餉間

送慥齋筍

浙翁

錦綳乍脫玉為肌更著油煎供養伊鹽醋費他多少了舌頭
換却不曾知

煎筍

石田

稚子相呼脫錦衣餉春不減首陽微翻身跳入炒中活透得
山僧齒鏃機

燒筍

希叟

清風昨夜一声雷便有兒孫出綠苔莫待抽身拂雲漢錦衣
才著便歸來

筍

石坡堂

春風一夜籜龍吟童子緣雲荷鋪尋謾說中堂骨頭美久長

滋味在山林

與戴剡源食筍

斷江五

楮鷄乘鵝君自美著毛蘆蕈許吾賜獸鑪龍腦探金筋未見
山人白玉墻

謝李衛惠芋三

五雲山中斲黃獨長松樹底逢青牛風期千載尚印手寒涕
滿頤懷嶽頭

珍重法師真法供天酥陀味亦何須年來錐也無卓了何處
青山好芋區

木鱉固知非九肋樹鷄初不解三髀可中弗作蔬筍氣一任
諸公賦老饕

仲深作樹雞供

瘦雲癰雪漱霜漪烟火無功合茹芝囊錦若編群玉府樹雞
吟續晚唐詩

謝高秘書雪蕈

北礪

秋深雨後產松根似蓋參差帶蘚痕採得金刀如切玉一般

風味不堪論

食松茸_三

鏡堂圓

松茸頒來十五莖香凝紫蓋玉撐_三齋盂今日添佳味細揉

霜橙手自烹

清拙_二

如掌如拳出土黃燒來猶帶茯苓香雪山白乳應慙避無舌

之人始合嘗

寒江春入氣融和絲髮離披見說多況是一般滋味別隨波

逐浪好兜羅

化水苔_二

或菴_二

隨波逐浪青絲嫩日炙風吹綠錦新盡謂蝦蟆頭上底不知

誤了幾多人

根塵脫盡空諸有豈與尋常種草同塞斷衲僧三寸舌橫身

鉢裏展神通

羅漢菜

朴翁

菜
地凍天寒葉亦枯不知將底餒群驢就中若也通機變下飯

何曾忘却渠

菜

浙翁

瓦盂亭午未聞歌少負心初負腹多微蕨不侵耕鑿地八珍

奈此屬餒何

謝人餉蕨

北礪_二

藕生玉井何曾見梨屬張公不見分安得脆瓊菜腹子蘋洲

南畔種殘雲

蘋洲菜腹脆甚

葉如霜劍味如茶瓜瓠輪囷總僕奴恠得詩人能薄命武襄

筵上亦豪須

食苦蕒

浙江_二

牛蕪馬蘭亦充腸一鉢無勞取衆香閑想甯師荷葉供不消

韓相橘皮湯

一鉢

紅爐鼓浪立教乾突出銀山照膽寒任是馬師胡亂後也須

莫被舌頭瞞

鹽_二

松源

曾經百煨不消融從此功歸鼎鼎中四海叢林今淡蕪何妨

隨分展家風

星

北磬

生

天然酸辣少溫_和、只這些兒未足多拈出自然調衆口舌頭
無眼也請訛

化薑

麻月家、蕭曉鎌園薑疊、乱雲邊喚回老洞三斤話壓倒

諸方五味禪

化薑麻行者

愚極

含烟帶露幾經秋顆、通紅氣味周突出眼睛開口笑者回

不恋旧枝頭

椒

清首座

顆粒才沾便辣人且無甜口驗來賓家風不是天然別徹底

難忘在苦辛

摘椒

古林

枝頭簇、和雲摘葉底星、帶露收賽過當年八百斛上方

香積洞庭秋

洞庭化椒

愚極

體露金風才及地朱顏自皺性常柔驗人舉口知輕重一種

風流出鄭州

棗

月庭四

根脚自知浮逼、滿頭生角也徒然只消到老無人採塞壑

填溝不出尖

菱角

翻身曾出冷灰堆牙頰生香口不開熟處從人都捻却何曾

爆跳作声來

豆莢

內懷慙實外森嚴針剗無門重可憐樹上為人一句子未嘗

開口話先行

栗蓬

葉底枝頭露眼睛栗蓬拋出意非輕等閑撒動灰中火暗地

令他爆一殼

栗子

飽霜梧實敵瓊瑰萬里同將惜異材送與白雲菴外種他年

應有鳳凰來

送桐子與東明

清拙

南荒意欲空招謗西域蒲萄不要詩何處明珠得盈掬五雲

溪谷鳳凰枝

仲深惠梧桐子

斷江

皮似柿裨鬆易剥核如龍眼味芳鮮滿盤的皦如金彈叢手
分嘗憶去年

嘗廬橘

覺範二

雪未消時入且評纔黃又屬傳岩人暫分葉底藏身地部領

鶯花過半春

青梅子

北碕

壁

風微露重雨晴時紅壁層層碧玉枝散盡炎蒸消盡渴擬方

圓熟友林詩

送楊梅與史友林二

率菴

熟

栗肌隱映月光流寶滿園林孰與儔夏熟龍君行雨困領珠

撒

散在樹梢頭

枝頭葉底不能藏獨脫無依未所當一擊渾身如粉碎不堪

收拾始馨香

胡桃

大川

久於林下蕭廬都幾被春風著意囑時節到來開口笑滿懷

秋
吹

總是夜明珠

石榴

中峰

本分叢林輟出來尖頭利嘴巢中魁不因一咬百雜碎爭得

甜從苦處回

橄欖

率菴

口腹平生厭事治上林珍果亦嘗之天公見我流涎甚遣向

崖州喫荔支

初至崖州喫荔支

覺範

林間葉落味辛酸一

旦馨香迥不凡殼漏星兒繞劈破通身

突出水精團

荔支

誰菴

那忍含羞強破顏養高林表絕追攀深苞不敢誇文彩熟處

方能露一斑

率菴

一夜滂澎雨未乾珠圓玉轉影團團若知開口非干舌不在

秋風架下看

食蒲萄三

子元

斜曛帶金粟剪寒棚秋湯漿塊欲醉夢繞西涼州

柔
渴

翠濕珠露香影瀉瑤月白水晶帷幄寒憑誰喚仙客
蕉隱
翠朵塞藤剪綠垂小槽新壓水晶漸涼州亦有楊州鶴惆悵
山人只要詩
嚴山人餉蒲萄漿
北礪

靈蛇歲與瓜期瓜熟垂地繞枝待得一番瓜熟後又乘
雲雨上天池
天台神護瓜
率菴

一畝荒園石襯沙若爲圖曼不勝瓜丁盛落蒂方拈出輒莫
攪先摘褪花
種瓜
北礪

百莖叢中轉得身劍輪揮處玉肌新甜頭些子如冰冷驗過
炎焦渴人
甜瓜
北礪

不惜渾侖次第貪把將來話太無厭而今一片落誰手管取
甜時徹蒂甜
簽瓜
石溪

青絲摘斷見真常金玉堆盤水殿涼夏簾對賓清晝永剖開

猶帶去年香

太守府中和瓜韻

子元

淤泥裏面暗張弓斷處分明百竅通無限細絲歸齒頰織成
錦繡在胸中
藕
率菴

文柄誰持合自持憂民風槩乍清羸禪林草藥如為效願見
皇家急詔時
和錢大博見寄覓山藥
雪豆

尸解仙人索似霜為留指掌地中藏山翁挑作長生藥千古
名傳肘後方
山藥
浙翁

野外收歸帶晚烟根塵脫盡白如綿命門一灼死中活去却
從前萬病緣
艾
谷源

這些惡毒時現前何妨以毒還攻毒不存今病亦除武夷
長江清九曲
示建安賣解毒圓陰處士
浙翁

透餅九轉有餘香閱世情忘有未忘一萬人緣何日了明朝

烟水又茫、

趙居士施丹結萬人緣

偃溪

煉得靈丹妙入神紅爐傾出紫霞新為君點作真空劑賣與
諸方不病人

煉丹道人

子元

爛擣靈空為細抹濃煎滄海合成丸回生起死祗這是誰解
渾侖一口吞

指上人能醫

東岩

萬頃心田足稻粱人天路上作資糧一千餘石珍珠爛七百
高僧毛孔香大地撮來如米粒通身飽去是家常從茲金蓋
峰前寺栗棘金圈盛播揚

何山元太初捨米

清拙

熬煉渠經幾度難炎、爐韞裏頭看可中皓色從來瑩直下
滄溟吸得乾力展家風排淡薄妙將滋味破辛酸道人意滿
期歸也雪擁茅簷不覺寒

靈上人丐盂求頌

宏智

庭角懸虛剪暑風鄰翁持以餉山翁秋陽方熾吟懷渴露顆

頻舉翠朵空馬乳堆盤涼映徹驪珠奪目粲玲瓏西湖一架

垂、熟寂寞無人月影中

食蒲萄有感

物初

竹籠盛來露未乾試嘗數顆已無酸味同楚水赤萍實色比
韓郎金彈丸委地兒童難識價經霜桃李不同盤緘題寄去
非無意相約交情到歲寒

送金橘與徐釣舟

歲叟

斷芋

斷江四

霜曉斷蹲鴟輪囷滿竹扉水蕉空老大山葵自甘肥作糕殊
增價為牆適救飢有生聊復介何必首陽薇

箭筍

竹箭東南美明時惡不祥乱錐叨貫土寸玉且撐腸也惜貓
頭醜寧如鼈脚長簋筮書禮典風味在吾鄉

亨公齊

新賞有甘味醯鹽無喪真不唯和血氣亦足洗酸辛葉底猶
黏雪牆陰每過春幽人謂天賜召子未渠珍

採菌

卧木蒸生菌纖雲朵：新誤食寧有毒還施本無身所戒在
三奪何勞問八珍園中得黃耳天賜玉堂人

茶湯

春風索戰鳳池來不動鎗旗勝一田日暮凱歌歸去後更無
脚迹點蒼苔

採茶示衆

晦堂

千山雨歇日初紅綠葉疎：帶晚風好向枝頭採春色不知
春色在籃中

採茶

靈叟

拈一旗兮放一鎗多從枝葉上搏量全身入草全身出那個
師僧無寸長

摘茶

無文

午鼎松聲萬壑餘蒲團曲几未全踈春風肯入薑鹽手不廢
秋窓一夜書

煎茶

橘洲景

芳叢撼動枝：雪玉挽擎來滿：春子孝父慈休說夢郊原
烟雨一枝新

化茶

石田

頻呼院主為全提猶是蒿湯備禮儀要與衆生開睡眠直須
點出者些兒

元化功深陸羽知雨前凝露見鎗旗收來獻佛餘堪惜不寄
詩家復寄誰

送新茶

雪豆

栗春雀舌占高名龍麝相資英解醒莫訝山家少為送鄭都
官謂草中英

穀雨前收獻至公不爭春力避芳叢烟開曾入深：塢百萬
鎗旗在下風

送山茶上知府

密藏龍焙雨前春翠字紅綃慰眼新品字至尊誰合得双林
樹下上乘人 送龍茶唐慧 丁晉公

信知佛是惡冤家日、棹邊道著他就借席跑泉爛煮贈君
漱口一盃茶 寄茶天童維那 約首座

籊籊龍吟沫喫春英香入蘿窓午夢清笑汲新泉煩陸羽貴圖
尊宿眼增明 寄紫籊茶與虎丘石溪 希叟

暖風催舌開芳叢出焙封題獻至公梅麓自來調鼎手暫時
勺水聽松風 茶寄樓司令 虛堂

柔英簇、戰春風便有南柯破敵功收拾鎗旗歸鼎鼎太平
時節午窓中 送新茶上丞相 栢堂

陸羽仙經不易誇詩家珍重寄禪家松根石上春光裏瀑水
烹來鬪白花 謝郎給事送建茗 雪豆

璫

臘茶一餅占春先碾罷仍將雪水煎盡日清香透牙齒炒邊
不動見靈泉 謝靈泉茶 雲蓋

寶公閑鎖尋常事諗老家風氣味長十載故人情外意一杯
今日雨前香 金陵獄中謝人惠茶 覺範

紫岩分惠建溪茗妙喜荅以青州衫得入一牛還一馬前三
三與後三 謝紫岩居士茶 大慧

揀芽芳字出山南真味那容取次參曾向松根烹瀑雪至今
齒頰尚餘甘 謝芝峰交承惠茶 虛堂

一朶雲生碧瓦甌故交珍味遠相投竹門白晝無閑客失處
誰能較趙州 謝茶

乾坤清氣建溪茶詩膽詩腸絕點埃新汲新泉須活火自然
飛雪繞甌來 楊左史供茶 靈叟

陽羨金芽楊子水新開火種煮枯枝一般三昧非言說迦葉
師兄可獨知

酬同門惠茶

即休了

春風吹落碧桃花一片流經十萬家何似飛來峰下寺相邀
來喫趙州茶

茶湯會求頌

松源

甜似黃連微帶澁苦如甘草略含辛一回點著一回別只恐
難瞞無舌人

鎮湯頭求

石溪

玄質團圓玉不如翠鈿小切試昆吾文園病酒文君老盡薦
芳甘瀟道腴

贈製香蠟茶者

北磬

道人要我煮溫山似識相如病裏顏金鼎浪翻螳螂眼玉甌
紋取鷓鴣斑津白乳衝眉上拂清風產腋間喚起晴窓
春晝夢絕憐佳味少人攀

與客聚茶戲成

覺範

龍山水竹居以蓮實煮茶佳甚

浙江一

翠壁蜂房裏珠圓鬼枕中的知風味別還愛苦心同水厄遭
餘子蓬漂媿此翁西江一杯露宜烹鴈門公

燈燭

紫炎附

虛堂隱絳紗紅簾外從教鼓黑風一點靈光輝宇宙始知
元不受羅籠

燈籠

雲卧登

暗裏一吹皆洞朗傳芳靜夜喜歸來枝頭不借東君力點著
從教觸處開

燈花

浙翁

輕點著發光寒這裏停撓舞棹難明暗路歧俱照破放行
初不犯波瀾

紙燈船

希叟

肚皮紙薄寸心輕自負胸中有甲兵不得上頭添氣力依前
寸步也難行

走馬燈

高菊礪

未動機輪見得親燈元是火馬非真雖然只隔一重紙多少

迷頭認影人

拳來須把趂相酬燈火交煎不自由識得這些閑換子無明煩惱一時休

佛頂光中露一機莫隨色墮群迷豁開自己光明藏燦破

瞿曇鍊面皮

化楞嚴會燈

鍊鞭

掾燭師香夏九旬二千年事向誰論人家十萬春風裏盡是靈山會上人

化楞嚴會香燭二

偃溪

玉磬輕敲紫篆清金蓮花綻燭焚從教一百二十日散作滿天星斗明

千載穹窿古道場殿無燈火鼎無香大檀輕借纖毫力玉軸琅函盡放光

藏殿道老化香燈

虛心清更

老胡生在葛藤窠誑誤人天罪過多暗地好將燈火照教伊

無奈面皮何

藏燈

谷源

五十三人總不知引他童稚放憨癡而今穩坐毗盧閣好與將燈照面皮

化華嚴閣燈

無用

五百高僧行業鹿羅齋打供走江湖歸來已是黃昏後夜坐更深燈也無

羅漢堂化油

谷源二

點著心光便發花從教千古照河沙假饒大地毗嵐起到底如何滅得他

長明燈

古佛舒光照夜遙漸明欲熄倩誰挑福田中有光明藏試遣周郎問小喬

化周大孺人長明燈

北磬

須弥為炷海為油十面磨銅法界周此土他方塵數佛灼然不隔一絲頭

無盡燈

清拙

古碓坊中石墜腰一燈光焰映清霄千年旧話今誰續山月

註

半窓松影搖

行堂化燈

雪岩

衲子填門永秘訣路養無事為分說借取維摩無盡燈照出

雲門乾屎橛

淨頭化燈

註菴聲

瞿曇錯受燈記續焰聯芳累子孫只作元宵燈火看渠儂

六似不知恩

化元宵燈

無外

開三毒地種無明要見花敷不夜燈八十老僧從定起又添

精彩上眉稜

開燈油田歸明覺塔

松坡

大道明、不覆藏幾人暗地錯商量焉然點著星兒子露柱

燈籠總放光

化路燈

竹岩

祖師肝膽昔曾傾解道無油不點燈暗、昏、莫相笑對人

挑剔我無能

次韻夜坐無燈

古林

十分親近見還遲放去令渠自發機他日歸來如點著普天

無處不光輝

送油頭

東山

擊動輪鎚山岳震金圈投透冷光浮機閑不與傍人識涓滴

從來一處收

打油

孤雲

七百高僧醉夢餘著藤窠裏較緇銖不因斫倒菩提樹火種

那能到老盧

化柴二

死火何妨且活埋傍城傍郭採無柴家風不與疎山別莫是

遭他受記來

北磬

一刀兩斷絕諸訛未免依前墮草窠直下通身紅爛後亦生

為熟熟總由他

斫柴

可菴

紛、枝葉乱如麻不惜從頭與一划驚得鍊地忙窺窺草樵歌

聲徹老盧家

剡柴

希叟

黑漆肌膚鍊面皮輕、觸著火星飛檀那且莫輕翻覆聖

鑄凡總是伊

化炭四

浙翁

長汀爐鞴不開開要見叢林煨了材灰土滿身渾似漆更須
紅爛一番來

大川

衲僧癡坐白雲裏亂葉堆門積雪深火冷灰寒口掛壁不知
誰識此時心

石田

南屏衲子坐堆、門外霜風作陣來龐老久參知冷暖少分
和氣到岩隈

樓破銀山千萬重曾經劫火不銷鑄分身南北東西了合水
和泥樹大功

石灰二

無際

多年蹤跡在它山一旦趨炎放軟頑粉骨碎身渾不顧只圖
潔白與人看

泉菴

祇夜伽陀發妙音九旬修證見功深十方諸佛同宣唱百



人天共儼臨不獨審除微細惑宜教徵究本來心香花燈燭
莊嚴具自有檀那為辨金

維那化香燭

古林二

洗體分明為洗塵一塵不洗浴何人行檀布施功雖大荷法
流通語更親香水海深居士福宣明室暖比立身熱鍋為我
添柴助一諾能消萬斛春

浴主化柴

澗山方丈寒夜與印延用然竹枝

斷江

冰酒折綿裏頭令春意面誰知竹尊者也勝木如來斷簡經
秦滅清歌入楚哀窮塗有蛇虎留取化龍材

沐浴

浴室裏頭道一句一絲不掛出來人相逢認是知音者同證
如來淨法身

化浴

清拙三

陝府鍊牛遭

嘉州大像汗交流有人浴得這

沸騰兩

黃金也合收

化淋汗

七日鹽蒸坐甑中鹹身鹹面亦鹹空誰知萬點流珠汗盡是

耆婆煉石功

甑浴謝西菴主

溫氣象坐蒿津匏杓調和冷煖勻直得通身渾是水端知
赤肉了無塵風埃面目揩磨淨立壑形骸洗濯春妙觸宣明
佛子住首楞嚴會有斯人

海上人知浴求頌

宏智

重刊貞和類聚祖苑聯芳集卷第八



